

չատ տարիներ, և ցանկանք սոցա ձեռնարկու-  
թեանցը հսկայաբայլ յառաջագիմութիւն, որ ա-  
ւելի զօրութեամբ՝ իբրև կենդանարմատ ծառ՝  
ածէ, զօրանայ և հարիւրաւոր չափով պտղաբեր  
լինի ՚ի նպաստ և ՚ի պարծանս Հայկազանց և նո-  
րա Ս. Եկեղեցւոյն:

Որդեկիր Մարդասիրական Ընկերութեան

Աւագ Գրիգորեանց:

է 1870 թի 15 -ն Յունիս

Ի ԲԱԳՈՒ:

**ԽՈՒՆՈՒՄԻՆԻԱՆ ԱՐԱՐԱԿ ԱՆՈՒՄՆԵՐԻ**

Հանգուցեալ Հայրապետն ամենայն Հայոց Մատ-  
թէոս՝ յետ զայստեան իւրոյ ՚ի Տիփլիս ՚ի 1869 ամի,  
և յետ ծանօթանալոյ ընդ իս՝ յաւուր միում ՚ի  
մէջ բազմախումբի հանդիսականաց հոգևորակա-  
նաց և աշխարհականաց յանձն արար ինձ զեր-  
կուս ձեռագիր տետրակս ասելով. "Այս տետրակ-  
ները առ լաւ կարգաց և սրբազրէ՝ առանց երես-  
պաշտութեան, և շուտով զրկէ Էջմիածին, որ  
տակել տամ". յիրաւի վեհանախական էր հրաման  
Հայրապետին, այլ վախճանն ոչ համաձայն նմին:

Ես զայնտակ տետրակս գննեալ գտի անդէպ  
հրատարակութեան ըստ պարունակեալ ՚ի նոսա  
նիւթոցն անտեղութեան և ըստ պիտոյից ժամա-  
նակին, վասնորոյ և զանց արարի զսրբագրութեամբ  
նոցին. սակայն կրկին հրամանք Հայրապետին առ  
յայնժամեան Առաջնորդ Թեմիս Արքեպիսկոպոսն  
Սարգիս՝ ստիպեցին զիս զրել զիմ կարծիս վասն  
յիշեալ տետրակաց. և որպէս ինձ թուի՝ այն նա-  
մակ անհաճոյ իմն թուեցաւ յաչս հանգուցեալ  
Հայրապետին, ըստ որում այն տետրակք հրա-  
տարակեցան առանց իրիք փոփոխութեան:

Զօրինակ նամակի իմոյ առ Ընդհանրական Հայ-  
րապետն ՚ի 26 -ն Սեպտեմբ. 1869 ամի, իբրու-  
մատենագրական յօդուած ընդ սմին առաքելով  
փ Խմբագրութիւնդ, խնդրեմ՝ եթէ արժան զա-  
տեսցի, հրատարակել յէջս պատուական Ամսագրիդ:

Հ. Արքեպիսկոպոսն:

150 -ն Մայիսի 1870 թի.

Ի ՏՓԽԻՍ:

Գ Ա Շ Ա Ն Յ Թ Ո Ւ Գ Թ

**ՎԵՀԼՓԸՌ ԼԱՅՐԸՊԵՍ**

Անագանեցի զպարտեացս իմոց հասու-  
ցանել զսակ՝ ՚ի կատարումն Վեհանախա-  
կան հրամանի Չերոյ վերազննութեամբ  
երկոցունց տետրակաց յօրինելոց ՚ի Չէնջ.  
սակայն աղաչեմ ներողամիտ լինել, հաւա-  
տացեալ աներկբայ, թէ կարի զօրաւորք  
էին խափանարարք՝ վաղ ընդ փոյթ կա-  
տարելոյ զՉեր հրաման և զիմ քաղցր  
պարտաւորութիւն:

Եւ ահա վստահացեալ ՚ի պատուէր  
Չեր, որ զօրէն նախատպին Չերոյ հրամա-  
նեցիք ինձ, յԱլիցի բան Չեր, այոն՝ այո՛, և  
ոչն՝ ոչ, զրեմ ՚ի կարծոյ, զոր ինչ միաք  
իմ և խորհուրդք թելադրեն, ոչ իբրև  
անյեղի ճշմարտութիւն, այլ իբրև կար-  
ծիք:

Նախ՝ երկդարեան իմն սովորութիւն  
մտեալ է յազգ մեր զհրաժարեալ կամ ըզ-  
հրաժարեցուցեալ պատրիարզունս կոչել  
,,նախկին Պատրիարզ,՝ որպէս ՚ի ճակատս  
երկուց յանձն եղեալ իմում վերազննու-  
թեան տետրակաց նշանակեալ է. այսօրի-  
նակ տիտղոս արտաքոյ իմն է յատկութեան  
լեզուի մերոյ և ՚ի նորոց ոմանց ներմու-  
ծեալ. զի բառդ նախկին՝ նշանակէ առաջին,  
հին, սկզբնական. ուրեմն նախկին Պատրի-  
արզ Առստանդնուպօլսոյ ոչ հրաժարեալքն  
են, այլ էր Յովակիմ Արք Ապիսկոպոսն,  
որ ՚ի Սուլթան Մեհեմէտէ կարգեցաւ ա-  
ռաջին Պատրիարզ Հայոց Պօլսոյ ՚ի 1461  
ամի Տեառն: Ըստ բուն կանոնաց լեզուիս  
պարտ է զրել՝ Էրէն՝ Պատրիարզ, որպէս  
յաւետարանի Յովհաննու 9—13 " Եճին



առ Փարիսեցիան զնա, որ երբեմն կոյրն էր, , , , այսպէս արկեալ է 'ի կիր և 'ի բազում տեղիս :

Արկրորդ՝ խօսելով 'ի վերայ տետրակին վասն Հաստատութեան դաշանց թղթոյն, որ զառաջինն տպագրեցաւ 'ի Պօլիս 'ի վերջ պատմութեան Ազաթանգեղեայ 'ի 1709 ամի, յայտնեմ զիմ կարծիս այսպէս :

Այն թուղթ դաշանց որչափ և ու՛րի զեւր ջատագովս, 'ի թիւս որոց համարի և Միքայէլ վարդապետն Չամչեան, այնչափ ունի և զփաստս զիմամարտս : Այո՛, բազումք 'ի մատենագրաց Հայոց նաև յօտարաց յիշեն զդաշանց ոմանց եղելոց 'ի մէջ Ապսերն Աոստանդիանոսի և մերոյն Տրդատայ, այլ այն վկայութիւնք նոցա երբէ՛ չ'վերաբերին առ եկեղեցական դաշինս սովորաբար 'ի մէջ Թազաւորաց լինին դաշինք քաղաքականք, յորոց մի պատի լինել և յիշատակեալ 'ի նոցանէ զ շն :

Գիտէ աշխարհ ամենայն. զի ցսկիզն որրորդի դարուն և անդր ևս 'ի Հայրապետս Հռովմայ չէր մտեալ ողին իշխանասիրութեան. Հայրապետք չորից Աթոռոց համարելին հաւասարապատիւք. ամենեքին արհամարհելին զաշխարհական պերճութիւնս. և ըստ Վրիստոսի ասէին "Իմ իշխանութիւն չէ յայսմ՝ աշխարհի" . ունէին 'ի մտի և զպատուէր Փրկչին, "Թազաւորք ազգաց տիրեն նոցա և մեծամեծք իշխեն, ոչ նոյնպէս իցէ և 'ի Չերում միջի, այլ որ մեծն է 'ի ձեզ, եղիցի ամենեցուն ծառայ" . այլ 'ի թղթին դաշանց երևին բանք կարի անմիաբանք քրիստոնէական ողւոյ աւետարանին, որպէս յայտ է ամե-

նեցուն, որք ուշի ուշով ընթերցեալ են զայն : Ի թղթին դաշանց 'ի բերանոյ սրբոյն Աեղբեստրոսի զրի, "Այսպէս և ստորագրեցաւ հրովարտակս, հրամանաւ իմով մեծի Պապոյս հռովմայեցեոց Աւսիրիոսի, որ և Աեղբեստրոս, Աթոռակալի զլեաւորաց Առաքելոցս Պետրոսի և Պօղոսի, որ երկնաւոր և երկրաւոր բանալեօք ունիմ իշխանութիւն յարեւելից մինչև յարեւմտարս 'ի վերայ ամենայն պզգայ Վրիստոսադաւանից. կապօղ և արձակօղ 'ի յերկննրս և 'ի յերկրի. և հրամանահասն հզօր յընդհանուր եկեղեցիս Վրիստոսի" : Արդ ամենայն ուղղամիտ դատեսցի, թէ այս բանք համաձայն են մտաց սրբոյն Աեղբեստրոսի Աթոռակալին Պետրոսի, որ անուանէր զինքն ծառայ Յիսուսի Վրիստոսի և երիցակից երիցանց. և ընդէր է ինձ դամենայն ճոռումարանութիւնս բարդեալս 'ի թղթին դաշանց մի առ մի բերել յառաջ, ընթերցցի զայն իւրաքանչիւր ոք, և համեմատեսցէ ընդ ողւոյ աւետարանին և նոյն իսկ Հայրապետին Աեղբեստրոսի, և իսկոյն ակներև տեսանի ճշմարտութիւնն :

Աթէ դարձուցանեմք զայս մտաց մերոց 'ի պատմութիւնս Հռովմական եկեղեցեոյ, յութերորդ դարէ ցտորեթասաներորդն գտանեմք զբազում խարդախ թուղթս տարածեալս 'ի փառասէր Պապից և յարբանեկաց նոցա յանուն նախնի սուրբ Հայրապետաց առ 'ի հաստատել զփաստ տիեզերական իշխանութեան իւրեանց. 'ի կարգէ սոցա համարի և թուղթն դաշանց. վասնորոյ լաւ ևս լինի ջանալ 'ի ձեռս բերել զօրինակ պատմութեան Ազաթանգեղեայ զրեալ նախ քան զմուտ Աւնիթօռանց յաշխարհս մեր, և այս չէ գծուա-



րին, եթէ հետամուտ լիցուք, թերևս զըտ-  
ցի այն և յողորմելի զբառան սրբոյ Էջմի-  
ածնի\*):

Ի ծանօթագոյն մեզ օրինակաց հնա-  
գոյն համարի Փարիզեան ձեռագիրն «Կատ-

(\*) Անշո՛ւշտ մեր ընթերցողք կը դիտեն, զի Պ.  
Վարնենանցի այս խօսքը Աթոռոյս Մատենա-  
դարանի պշտեան բարեկարգ և սպաճառ զրու-  
թեան չ'ակնարկիր, այլ Յ Գ տալուց չափ յա-  
ռաջ անխնամ՝ և բարձի թողի վեճակին, զոր  
բազմօք կը պատմեն պիանատեպր:

Իսկ վասն հնագոյն օրինակաց Պատմութեան  
Ազատականաց կը յայտնենք, զի Մայր Աթոռոյս  
Մատենադարանի մէջ գտնուած ձեռագիր օրինա-  
կաց երկը բնօրին օրինակները չ'ունին երբէք Գ-  
շուջ Բ-դի:

Ի սոցանէ առաջինը՝ 1656 ընդհանուր թուահա-  
մարաւ, որ մեծագիր՝ բողոքգիր՝ հին, այլ բնօրին  
գրութեամբ գրուած է Ակնի Ատուոց մէջ. զոր  
իւր հնութեամբ և այլ մի քանի պարագաներէ  
առանց տարակուսելոյ կը համարենք՝ զի երկուստ-  
ասներորդ գարու վերջերք գրուած է:

Երկրորդը՝ որ է 1658 ընդհանուր թուահամար-  
աւ, նոյնպէս թէպէտ թուական չունի և ո՛ւր  
գրուած լինկն ևս չէ յայտ, այլ ժ.Վ. երրորդ և  
ժ.Վ. երրորդ գարուց միջոցները գրուած կը հա-  
մարուին. (սորա մէջ ՚ի վերջին դարս՝ նոտրագիր  
գրութեամբ ջանացած են դաշանց թուղթը յաւե-  
լուլ, բայց կիսատ մնացած է, և խարդախութիւնը  
ակնյայտի կ'երևի ամեն տեսանողաց): Նոյնպէս  
երրորդ օրինակը որ նոտրագիր է, ժ.Չ. երրորդ  
գարու գրուածքներէն է:

Իսկ միւս օրինակաց մէջ առաջինը՝ որ մեծա-  
գիր՝ բողոքգիր՝ և Ազգ 21ԻԲ. (Փրկ. 1293) թուա-  
կանին գրուած է ՚ի Յովհաննազանն որ ՚ի Վար-  
բի (Նրագաճոտն դաւառի մերձ յՆշտարակ),  
ունի դաշանց թուղթ: Նոյն միջոցները տակա-  
ւին նոր կը տարածուէին ազգաւոր Աւնիթօք,  
Նախ Ատրպատական և անտի Արարտեան աշ-  
խարհը տարածուելով՝ իւրեանց թոյնը և խմորը  
պապական մի լատին Եպիսկոպոսէն ընդունած:

Երբ յաջողութեամբ Տեառն լոյս չըտեսած Ազգ-  
պատմական մատենագրութիւնքը ՚ի լոյս կ'ընծա-  
յնէր, հետզհետէ ցարդ հրատարակուածները ևս  
ընտրեկագոյն հին և բազում օրինակաց բազդա-  
տութեամբ կրկին պետք է հրատարակենք:

2րմտանամբ յիշել զայս ևս, որ մեր հնագոյն  
օրինակի դաշանց թուղթոյն և հրատարակուած-  
ներուն մէջ բաւական զգալի և աչքի զարնող  
տարբերութիւնք կան:

Վ. ԽՊԲ.

մութեան Ազատականաց գրեալ ՚ի ՉԳ.  
թուականի Հայոց. յորում չէք այն  
թուղթ դաշանց, չէք և ՚ի Յունական բնա-  
գրին, ապա ուրեմն չէ ինչ զիւրին, նա  
թէ խիթալի խի է ասել, թէ որ ինչ չգը-  
տանի ՚ի հնագոյն օրինակս, ՚ի Յունական  
բնագրին, և ՚ի զիւանին՝ յատկանու իցէ  
վաւերական, ըստ որում դասնի այն ՚ի  
նորոզ օրինակս ինչ, յորոց աճանցեալ է  
և ՚ի տպագրեալս ՚ի Պօլիս:

(Մնացորդն ՚ի յաջորդ ամսագիրս:)

ՊԱՇՏՕՆԱԿԱՆ ՏԵՂԵԿԱԹԵՒՆԵՔ

ՅՕՐԱԿՐՈՒԹԵԱՆՑ ՄԻՆՈՒԹԻ

Յուլիս 27: — Մ'կրտիչ Վահանայն  
Պարզեանց՝ Հին-Վախիջեանայ Հ. Կա-  
ռաւարութեան անդամակցութեան պաշ-  
տօնէն արձակեցաւ:

,, , — Ըստ հրամանի Վ. Ե. Հ. Հայրա-  
պետի ամենայն Հայոց՝ Արժ. Թադէոս  
Վ արդապետ Տէր Վանիէլեան նշանակե-  
ցաւ Փոխանորդ ՚ի Հ. Վախիջեան՝ ՚ի  
տեղի Ստեփաննոս Վ արդապետի Մի-  
թարեան: Իսկ վերջինս առաքեցաւ ՚ի  
Վ անսն Որոտնայ՝ ապաշխարել անդ մինչ  
ցայլ առանձին տնօրէնութիւն Հող. Ծ.  
Իշխանութեան:

,, 29: — Ըստ հրամանի Վ. Ե. Հ.  
Կաթողիկոսի ամենայն Հայոց՝ Վ անա-  
հայր Էջառիսու Արժ. Մ'կրտիչ վարդա-  
պետ Տէր Թադէոսեան քննիչ կարգեցաւ  
՚ի վերայ գործոց Յակովբ վարդապետի  
Մնացականեան և Արիստակէս վարդա-  
պետի Սեղրակեանց: